

PRILAZNO: 28 SEP 2022			
Org. št.:	Red:	Prilog:	Vrijed. št.:
01-05-02	1931	22	

JASMIN ADEMOVIĆ, predsjedavajući Gradskog vijeća
MIRELA DŽEHVEROVIĆ, zamjenica Predsjedavajućeg Gradskog vijeća
Dr. DRAGAN STEVANOVIĆ, zamjenik Predsjedavajućeg Gradskog vijeća

GRAD SARAJEVO
GRADSKO VIJEĆE
PREDSJEDAJUĆI GRADSKOG VIJEĆA

Predmet: Inicijativa za sistemsko rješavanje upravljanja vodotocima iz nadležnosti Grada Sarajeva

U skladu s Poslovníkom Gradskog vijeća, u funkciji gradskih vijećnika, podnosimo inicijativu Gradskom vijeću da donesene sljedeće zaključke:

1. Zadužuje se Gradonačelnica, odnosno Pravobranilaštvo Grada Sarajeva, da poduzmu sve potrebno da se u saradnji s Ministarstvom privrede Kantona Sarajevo, do kraja godine jasno definišu i evidentiraju zemljišne parcele i vodni objekati, u propisanim javnim evidencijama, odnosno formiraju potrebne evidencije, za vodotoke iz nadležnosti Grada Sarajeva, u skladu sa Zakonom o vodama.
2. Zadužuje se Gradonačelnica da do kraja godine, predloži Gradskom vijeću Grada Sarajeva Elaborat o postavljanju reklamnih panoa i drugih objekata u obalnom pojasu otvorenih vodotoka koji je u nadležnosti Grada Sarajeva u skladu sa Zakonom, te da predloži i odluku o provođenju budućeg Elaborata kojom će se urediti način i postupak postavljanja objekata uz vodotoke, kako bi se prevenirale nelegalne aktivnosti u najvećoj mogućoj mjeri i kako bi se uredilo korištenja parcela čija površina će biti naknadno definisana od strane Ministarstva privrede Kantona Sarajevo.
3. Zadužuje se Gradonačelnica da Gradskom vijeću predloži u redovnoj proceduri, što je prije moguće, Odluku o korištenju, održavanju i čuvanju vodotoka na području Grada Sarajeva u skladu sa Zakonom, kojom će se postavljanje objekata u okviru vodotoka iz nadležnosti Grada Sarajeva proglasiti izgradnjom građevina i vršenjem radova od interesa za Grad, u skladu sa Zakonom o prostornom uređenju Kantona Sarajevo, da bi se budući investitori istom organu obraćali i za pribavljanje i saglasnost za korištenje zemljišta i za lokacijsku informaciju i odobrenje za građenje.

Obrazloženje

U Programu rada Gradskog vijeća Grada Sarajeva za 2021. godinu i za 2022. godinu bilo je sadržano razmatranje i donošenje nove Odluke o korištenju, održavanju i čuvanju vodotoka na području Grada Sarajeva, ali takva odluka još uvijek nije donesena.

Za Nacrt Programa rada Gradskog vijeća za 2023. godinu gradonačelnica je predložila donošenje ove odluke u 2023. godini. Ovo iz razloga što se radi o kompleksnom pitanju. Gradsko vijeće je Odluku o korištenju, održavanju i čuvanju vodotoka na području Grada Sarajeva bilo donijelo 2016. godine („Službene novine Kantona Sarajevo“ 4/16), ali ta odluka se ne primjenjuje. Budući da se nisu stekli uslovi za provođenje navedene Odluke, Grad provodi Odluku o korištenju, održavanju i čuvanju vodotoka na području Grada Sarajeva („Službene novine Kantona Sarajevo“, broj 02/07), u dijelu u kojem je to moguće, imajući u vidu prava i dužnosti Grada Sarajeva, utvrđena Zakonom.

Također, Elaborat o postavljanju reklamnih panoa i drugih objekata u obalnom pojasu otvorenih vodotoka nije nikada donesen, a nisu uspostavljene ni obavezne evidencije javnog vodnog dobra i vodnih objekata Grada Sarajeva.

Iz svega, krajnje je vrijeme da Grad Sarajeva, bez obzira na to koliko bilo kompleksno, i koliko do sada nije bilo sistemski uređeno, uredi ovu oblast na odgovarajući način, kroz realizaciju predloženih zaključaka, a s ciljem provođenja važećih zakona.

U Sarajevu, 28.09.2022. godine

Jasmin Ademovic, s.r.

Dragan Stevanovic, s.r.

Mirela Džehverovic, s.r.

JASMIN ADEMOVIĆ, predsjedavajući Gradskog vijeća

PRIMLJENO:	28.09.2022.		
Org. jed.	Broj	Prilozi	Vrijednost
01-GV-02-	1432/22		

GRAD SARAJEVO
GRADSKO VIJEĆE
PREDSJEDAVAJUĆI GRADSKOG VIJEĆA

Predmet: Inicijativa za prenošenje određenih javnih poslova Javnom poduzeću „Sarajevo“, d.o.o.

U skladu s Poslovníkom Gradskog vijeća, u funkciji gradskog vijećnika, podnosim Inicijativu Gradskom vijeću da donesene sljedeći zaključak:

Potrebno je da JP „Sarajevo“ d.o.o. izradi elaborat o ekonomskoj opravdanosti organizacije jedinice za održavanje vodotoka iz nadležnosti Grada Sarajeva, u okviru ovog poduzeća i o tome informiše Gradsko vijeće do kraja novembra tekuće godine.

Obrazloženje

Zakonom o vodama Federacije Bosne i Hercegovine „Službene novine Federacije BiH“, 70/06, odnosno Zakonom o vodama Kantona Sarajevo („Službene novine Kantona Sarajevo“, broj 18/10 i 43/16), Gradu Sarajevu je prenesana nadležnost upravljanja vodotocima u nadležnosti Grada Sarajeva, a to su uređeni vodotoci druge kategorije na području Grada Sarajeva.

Grad Sarajevo je u procesu sistemskog uređivanja ove oblasti, a time i prenošenja određenih poslova na JP „Sarajevo“ d.o.o.

Elaborat bi trebao biti usmjeren na formulaciju projekta za prostorno, materijalno, organizacijsko i kadrovsko kapacitiranje, u svemu u skladu s propisanim standardima za vršenje potrebnih poslova, sa prijedlogom finansijskog i vremenskog okvira implementacije.

Elaborat je potrebno dostaviti u navedenom roku da bi se na vrijeme mogle planirati dalje aktivnosti i potrebna inicijalna finansijska sredstva za definiciju i realizaciju projekta u budžetu Grada Sarajeva za sljedeću godinu, ali i iz drugih raspoloživih izvora.

Pri realizaciji ove inicijative, potrebno je imati u vidu i obaveze Grada Sarajeva u oblasti komunalnih djelatnosti koje proizlaze iz Ustava Kantona Sarajevo.

U Sarajevu, 28.09.2022. godine

Jasmin Ademovic, s.r.

JASMIN ADEMOVIĆ, predsjedavajući Gradskog vijeća

GRAD SARAJEVO
GRADSKO VIJEĆE
PREDSJEDAVAUĆI GRADSKOG VIJEĆA

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO

GRADSKO VIJEĆE		
PRIMLJENO:	28 SEP 2022	
Org. jed:	Broj	Prilozi
01-05-02	14	33/22

Predmet: Inicijativa za donošenje Programa Sedmice olimpizma u 2023. godini

U vezi sa ranije podnesenom inicijativom, u skladu s Poslovníkom Gradskog vijeća, u funkciji gradskog vijećnika, podnosim inicijativu i upućujem zahtjev Gradskom vijeću da svojim izjašnjanjem podrži ovu inicijativu:

Potrebno je da gradonačelnica, prije usvajanja Budžeta Grada Sarajeva za 2023. godinu, predloži Gradskom vijeću Program Sedmice olimpizma u 2023. godini.

Obrazloženje

Ranije sam podnio inicijativu da Grad Sarajevo ustanovi sedmicu olimpizma koja bi se održavala svake godine u vrijeme obilježavanja godišnjice ZOI 84, odnosno održavanja EYOF-a, uz manifestaciju olimpijskog duha, sportske i druge prigodne aktivnosti, primjerene olimpijskom gradu. Da bi se u 2023. godini sedmica olimpizma i organizovala, imajući u vidu da se radi o početku februara mjeseca, potrebno je na vrijeme planirati aktivnosti i osigurati potrebna finansijska sredstva iz raspoloživih izvora.

U Sarajevu, 28.09.2022. godine

Jasmin Ademovic, s.r.

GRAD SARAJEVO

GRADSKO VIJEĆE GRADA SARAJEVA

n/r Jasmin Ademović, predsjedavajući

Bosna i Hercegovina-Federacija Bosne i Hercegov.
Kanton Sarajevo - GRAD SARAJEVO
GRADSKO V

PRIMLJENO:	29 SEP	
Org. jed.	Broj	Prijedlog
01-05-02	1437	22

Sarajevo, 29.09.2022. godine

Predmet: Vijećnička inicijativa sa prijedlogom Gradskom vijeću da postane inicijativom Gradskog vijeća

Na osnovu člana 148. stav 1. i stav 3. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20) podnosim inicijativu kojom tražim da **Grad Sarajevo u saradnji sa Turističkom zajednicom Kantona Sarajevo na području četiri gradske općine na prigodan način obilježi odnosno markira objekte iz rimskog perioda, te da iste aktivnosti inicira i kod drugih općina u Kantonu Sarajevo, a koje ne ulaze u teritorijalni obuhvat Grada Sarajeva.**

Prilikom realizacije inicijative, pored svih ostalih, od posebnog značaja je poduzeti sljedeće aktivnosti:

- 1. Na prostoru u blizini termalne rivijere ili iza hotela Hills postaviti veliku informativnu ploču sa višejezičnim tekstom da se od toga mjesta pa dalje prema Butmiru pružalo najstarije poznato naselje na sarajevskom području (iz vremena postmezolitika ili protoneolitika, nekih 9000 godina prije) sa vrhuncem razvoja u neolitiku (V. milenijum stare ere ili prije nekih 7000 godina). Neshvatljivo je da ljudi idu u Hills ili na kupanje na bazene, a ne znaju da tu počinje to čuveno Butmirsko naselje, koje je dalo ime neolitičkoj kulturi koja zauzima značajno mjesto u arheologiji Europe.**
- 2. Na ulazu sa mosta kod Brajlovića, postaviti veliku informativnu ploču sa višejezičnim tekstom na kojem se navodi kako se ulazi u urbano i upravno područje res publica –jednice municipalne autonomije. Navesti osnovne podatke, sa kartama i objašnjenima. Bilo bi dobro uraditi replike otkrivenih spomenika, npr. Apolona Tadena i postaviti ih negdje u parkovno područje.**

3. Ponovo revitalizirati planove arheoloških parkova koji su rađeni u prošlom stoljeću i čuvaju se u Kantonalnom zavodu za historijsko i prirodno nasljeđe.
4. Uraditi kopiju natpisa posvete R.P. AQ i postaviti u park ispred zgrade Kantona Sarajevo.
5. Prazan prostor između Zemaljskog muzeja i Historijskog muzeja i kafea Tito, nazvati Trg Publija Kornelija Dolabele, jer je nezamislivo da čovjek zaslužan za tolika unosenja civilizacijskih vrijednosti u unutrašnjost nema spomena nigdje. Tu postaviti i spomen ploču sa osnovnim informacijama o njegovom namjesništvu.
6. Potrebno je inicirati i da Muzej Sarajeva uradi makete Butmirskog naselja i urbanog i upravnog prostora naše male republike i da ih postavi u Brusa Bezistan, na način na koji je to odlično uradio Muzej Unsko – Sanskog kantona.
7. Kod SCC postaviti spomen ploču kako bi građani i stranci mogli pročitati šta se nalazilo na tom području u ranijim epohama, uključujući i značenje gradinskog naselja Zlatište –Soukbunar – Debelo brdo.

Istovremeno podnosim prijedlog Gradskom vijeću Grada Sarajeva da navedenu inicijativu podrži na način da ista postane inicijativnom Gradskog vijeća Grada Sarajeva.

Gradski vijećnik:

Dragan Stevanovic, s.r.

PRIMLJENO: 28 SEP 2022			
Org. jed.	Broj	Prilog	Vrijednost
01-02-02	1438		22

GRAD SARAJEVO

GRADSKO VIJEĆE GRADA SARAJEVA

n/r Jasmin Ademović, predsjedavajući

Sarajevo, 29.09.2022. godine

Predmet: Vijećnička inicijativa sa prijedlogom Gradskom vijeću da postane inicijativom Gradskog vijeća

Na osnovu člana 148. stav 1. i stav 3. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20) **podnosim inicijativu kojom tražim da Grad Sarajevo u saradnji sa Turističkom zajednicom Kantona Sarajevo, uz poštivanje procedura u pogledu korištenja javnih površina i na način kako je to uradio Internacionalni savez za spomenike i spomeničke cjeline (ICOMOS), postavi u gradskim općinama prigodne panoje kojim će upućivati građane i turiste koji dolaze u grad Sarajevo na nacionalne spomenike Bosne i Hercegovine iz sljedećih perioda:**

1. Osmanskog perioda;
2. Austrougarskog perioda;
3. Perioda moderne.

Panoe trebaju, isto tako, da sadrže odgovarajuće mape, slike, a eventualni tekst da bude minimalno na dva jezika: BHS i engleskom jeziku.

Istovremeno podnosim prijedlog Gradskom vijeću Grada Sarajeva da navedenu inicijativu podrži na način da ista postane inicijativnom Gradskog vijeća Grada Sarajeva.

Gradski vijećnik:

Dragan Stevanovic, s.r.

JASMIN ADEMOVIĆ, predsjedavajući Gradskog vijeća

GRAD SARAJEVO
GRADSKO VIJEĆE
PREDSJEDAVALUĆI GRADSKOG VIJEĆA

Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRILUŽENO: 3 0 SEP 2022	
Orj. broj:	Broj: 01-GV-02-1443/22
Vrijednost:	

Predmet: Vijećničko pitanje

U skladu s Poslovníkom Gradskog vijeća, u funkciji gradskog vijećnika, upućujem gradonačelnici Grada Sarajeva sljedeće **vijećničko pitanje**

- Postoji li prepreka u pravnim propisima da Gradsko vijeće odlučuje o donošenju regulacionih planova iz svoje nadležnosti u skladu sa Zakonom i vežećim planskim i normativnim rješenjima iz urbanističkog plana za urbano područje Sarajeva, odnosno vežećim prostornim planom Kantona Sarajevo?
- Može li Zakonodavac svojim zaključkom onemogućiti nadležni organ da vrši nadležnosti uređene vežećim zakonom, odnosno da provodi vežeće prostorno planske dokumente?
Ako zaključak Skupštine Kantona Sarajevo ima takvu snagu, potrebno je navesti na osnovu čega.
Ako zaključak nema tu snagu, molim da mi se odgovori zašto se već dvije godine ne predlaže donošenje regulacionih planova iz nadležnosti Grada Sarajeva, uz poznate razloge vezane za odluku Komisije za očuvanje nacionalnih spomenika Bosne i Hercegovine BiH.
- Potrebno je odgovoriti i na pitanje može li gradonačelnica poduzeti, odnosno predložiti aktivnosti putem kojih će Grad Sarajevo nastaviti sa provođenjem svojih nadležnosti u smislu prireme izrade i donošenja regulacionih planova u skladu sa Zakonom i vežećim prostorno planskim i normativnim rješenjima.

Obrazloženje

Kao što je poznato, Skupština Kantona Sarajevo je svojim zaključkom o primjeni rezultata studije o zaštiti ventilacionih koridora obavezala donosioce planova da pri donošenju planova, primjenjuju mjere za zaštitu ventilacionih koridora iz navedene studije.

Međutim, kao što je također poznato, u Kantonu Sarajevo je na snazi Zakon o prostornom uređenju Kantona Sarajevo. Dodatno, na snazi je Prostorni plan Kantona Sarajevo 2003 - 2023 te planska i normativna rješenja iz Urbanističkog plana za urbano područje grada Sarajeva (Stari Grad, Centar, Novo Sarajevo, Novi Grad, Ilidža i Vogošća) do 2015. godine.

U procesu je izrada i donošenje novog urbanističkog plana, gdje je u odluci o pristupanju izradi plana uređeno da su planska i normativna rješenja iz urbanističkog plana do 2015. godine i dalje na snazi, ako nisu u koliziji s vežećim prostornim planom KS.

Ovo bi trebalo značiti da postoji i zakonski i pravni osnov za i izradu i donošenje provedbene planske dokumentacije.

I u Prostornom planu KS i u Urbanističkom planu Grada Sarajeva za urbano područje Sarajevo, odnosno u aktima o provođenju ovih planova, implementirane su određene mjere za zaštitu ventilacionih koridora koje su se primjenjivale, a koje nisu nastale kao rezultat posljednje studije, već su zasnovane na ranijim istraživanjima i utvrđenim mjerama zaštite i one su na snazi.

U Sarajevu, 28.09.2022. godine

Jasmin Ademovic, s.r.

Hava Pandžić

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

Pošiljatelj: Mekić Muamer <muamer.mekic82@gmail.com>
Poslano: petak, 30. septembar 2022. 14:29
Prima: Gradsko Vijeće Sarajevo - pisarnica; Mila Eminović
Predmet: Vijećnička inicijativa

PRILUŽENO:		30 SEP 2022	
Orig. jed.	Broj	Prihod	Vrijednost
01-02-02	-1744		/22

U skladu sa Statutom i poslovníkom Grada Sarajeva u u svojstvu Gradskog vijećnika podnosim inicijativu i zahtjevam da se o istoj izjasni Gradsko vijeće na prvoy narednoj sjednici koja će se održati u Srijedu 5. 10. 2022 godine .

Finansijska pomoć udruženju "Renesansa"

Obrazloženje :

Udruženje Renesansa osnovano je 8 Maja 1999 godine kao nestranačka i neprofitna organizacija oboljelih od karcinoma dojke i drugih malignih oboljenja pod motom "Bolesni pomažu bolesne " . Udruženje pored zdravstvene pomoći pomaže članovima i oboljelim da se ponovo reintegrišu u društvo ,te da nisu bolesnici već ljudi sa dijagnozom karcinoma dojke . Udruženje se zalaže za sistemska rješenja kada su u pitanju Ortopedska pomagala i uvrštavanje lijekova potrebnih za liječenje karcinoma na esencijalne liste za lijekove . Kroz udruženje je prošlo preko 6000 oboljelih od kojih su mnogi članovi istog i danas. Udruženje nema nikakvu finansijsku podršku ,niti izvor prihoda a sredstva neophodna za rad skupljaju na bazi humanosti dobrih ljudi. Sredstva najčešće koriste za edukaciju pacijenata ,psihološku podršku , obezbjeđenje ortopedskih pomagala , perika te lijekova za same pacijente . Stoga molim Gradonačelnicu i službu za finansije da nađu mogućnost da se iz Budžeta Grada Sarajeva finansijski pomogne ovo udruženje !

Vijećnik Muamer Mekić .